

Parlamentarna skupština Bosne i Hercegovine, Sekretarijat, Trg Bosne i Hercegovine broj 1, 71000 Sarajevo, koju zastupaju članovi Kolegija Sekretarijata Parlamentarne skupštine Bosne i Hercegovine: Mirza Imamović, Dražen Mustapić i Gordana Živković (u daljnjem tekstu: nosilac prakse), s jedne strane

i

Univerzitet u Sarajevu – Fakultet političkih nauka, Skenderija broj 72, 71000 Sarajevo, koji zastupa dekan prof. dr. Sead Turčalo (u daljnjem tekstu: fakultet), s druge strane

Zaključili su dana 13. 2. 2025. godine:

UGOVOR O OBAVLJANJU STUDENTSKE PRAKSE

Član 1.

- 1) Nosilac prakse i fakultet, uvažavajući važnost upotpunjavanja teoretskog znanja praktičnim, ovim ugovorom potvrđuju potrebu i spremnost na zajedničko djelovanje s ciljem podizanja kvaliteta obrazovnog i stručnog rada koje se realizira u vidu studentske prakse kod nosioca prakse.
- 2) Predmet ovog ugovora je organizacija obavljanja neplaćene studentske prakse u skladu sa Zakonom o visokom obrazovanju KS, Pravilnikom o stručnoj praksi studenata, Pravilima studiranja za prvi i drugi ciklus studija, integrirani, stručni i specijalistički studij na Univerzitetu u Sarajevu i drugim zakonskim i podzakonskim aktima kojima se regulira ova oblast.

Član 2.

- 1) Fakultet će, počevši od akademske 2024/25. godine, nosiocu prakse upućivati redovne studente završne (druge) godine drugog ciklusa studija iz oblasti politologije radi obavljanja studentske prakse kod nosioca prakse.
- 2) Fakultet se obavezuje da će izbor i selekciju studenata iz stava 1) ovog člana izvršiti na osnovu visokih moralnih i ličnih vrijednosti, visoko postignutog uspjeha u dosadašnjem školovanju te drugih kriterija prema uputama nosioca prakse.
- 3) Fakultet se obavezuje da će dostaviti na odobrenje nosiocu prakse popis zainteresiranih studenata, te predložiti trajanje i period obavljanja studentske prakse.
- 4) Fakultet i nosilac prakse odredit će po jednog zaposlenog koji će korespondirati i koordinirati obavljanjem studentske prakse.

Član 3.

- 1) Nosilac prakse obavezuje se da će izabranim studentima osigurati uslove stručnog osposobljavanja, uključivanja studenata u radno okruženje i praktičan rad, u skladu s internim aktima nosioca prakse i važećim zakonskim propisima. Nosilac prakse će za svakog studenta koji obavlja praksu odrediti mentora, u skladu s poslovima koje će student obavljati.

- 2) Nosilac prakse obavezuje se da će po završetku prakse izdati potvrdu o uspješno odnosno neuspješno obavljenoj praksi, koju će potpisati ovlašteno lice nosioca prakse.
- 3) Nosilac prakse će, bez odgađanja, studenta koji krši interne akte nosioca prakse i važeće zakonske propise udaljiti s prakse i o tome obavijestiti fakultet.

Član 4.

- 1) Ugovorne strane obavezuju se da povjerljive podatke o poslovanju druge ugovorne strane neće učiniti dostupnim trećima, osim ako to od njih na zakonom propisani način zatraže nadležni državni organi.
- 2) U slučaju povrede obaveze iz stava 1) ovog člana, ugovorne strane obavezuju se da će nadoknaditi svu štetu.

Član 5.

Svaka strana može odlučiti da raskine ovaj ugovor u bilo kojem trenutku, o čemu treba pismeno obavijestiti drugu stranu. Ugovorne obaveze prestaju u roku od osam dana nakon pismenog raskida ugovora.

Član 6.

- 1) Ugovorne strane su saglasne da će sve eventualne sporove proistekle iz ovog ugovora rješavati sporazumno u duhu dobrih poslovnih odnosa.
- 2) Na prava i obaveze ugovornih strana, koji nisu uređeni ovim ugovorom, primjenjuju se odgovarajuće odredbe Zakona o obligacionim odnosima.

Član 7.

Odredbe ovog ugovora mogu se mijenjati samo uz obostranu saglasnost ugovornih strana i isključivo u pismenoj formi.

Član 8.

Ovaj ugovor sačinjen je u četiri istovjetna primjerka, od kojih nosilac prakse zadržava dva i fakultet dva primjerka.
